

GEORGII VVOLFFGANGI
VVEDELII
INTRODVCTIO
IN
ALCHIMIAM.



Sumptibus
IOHANNIS BIELKII, Bibliop.

I E N Æ,
Litteris CHRISTOPHORI KREBSII,
ANNO M DCC V.

GEORGI VVOLEF GANGI
A VEDILL
INTRODUCTIO
IN
ALCHIMIAM



JOHANNIS B. ELLI, Bibliop.
Simplicius

NEW E.
LUCAS CHRISTOPHORI WERBIS
LONDON

P R Æ F A T I O

Ad Lectorem beneuolum.



Otabilis est sententia Sacerdotis cuiusdam Ægyptii apud Platonem in *Timao*, ad Solonem, sapientissimum virum: *Ὁ Σόλων Σόλων, inquit, εἶς, Ἕλληνας δὲ πᾶσιδες ἐστὶ, γέγων ὃ Ἕλην ὄντι ἐστίν. O Solo Solo, Græci pueri semper estis, nec ququam e Græcia senex. Cur istud diceret, pereun-*

tante Solone, respondit idem: quia iuuenis semper vobis est animus, in quo nulla est

ex vetustatis commemoratione prisca opinio, nulla cana scientia. Applicari hoc potest tum ad alia varia, tum imprimis ad artem diuinam, quam Alchimiam vocant, ab Ægyptiis si non inuentam, saltim maxime excultam. Sane quilibet literaturæ elegantiori operam nauans, nisi ab hac decus sibi aliquod sœneret, vix ad perfectionem debitam adspirare potest.

Et mirandum sane, ita tectam & occultatam fuisse per plurima secula, priora illa, vt Græci non nisi pauci, iique paulo serius, in huius peruenerint notitiam, post, quam sapientioribus Philosophis quibusdam ere visum fuit, ad Ægyptios, velut ad sacrarium quoddam omnium artium & scientiarum, peregre abire, indeque mutuari, quod ipsis deesset.

Europæi denique a Græcis & Arabibus ad se deriuarunt eiusdem notitiam, & mirum quantum velut certatim profecere vltcrius, vt quod de Græcis Ægyptius effabatur, idem de nostratibus dici posset a Græcis & Arabibus, de illis puta, qui dedignantur hæc delibare, nedum scrutari intimius.

Mirandum est, etiam superiorum seculorum decursu, in media quasi barbarie, quamplures artem excoluisse, & de eadem scripsisse, vbi ceteroqui in reliquis medicinæ partibus insigne fuit & longius durauit silentium. Adeo & in claustris & cœnobis cognita

ruit, & quod non minorem meretur admirationem, circa eadem tempora Templâ fuere condita, elegantissima & pretiosissima: quod, si ad nostra referatur, vix possibile fuerit, citra artis huius subsidium.

Semel iterumque conati sumus ad adyta hæc penetrare, non irritò & ridiculo conatu, vel luxurie perdendi æs, vel spe auara lucrandi, sed cupidine indagandi & lustrandi diuinæ sapientiæ abyssum etiam in naturalibus hisce.

Cumque sobrio hoc procedendi modo non parum delectati fuerimus, quin & informati, non modo conati sumus vno alteroque specimine ex antiquitate eruere veritatis & scientiæ scintillas, sed & velut compendium quoddam eniti, quomodo & concipi possit, idea huius sapientiæ, & propitio numine vltèrius prouehi.

Ausi sumus hinc, forsàn primi, in Academiis exercitio priuato selectiora ingenia ad hoc studium inuitare, eademque excitare, vt communi vel diuisa opera soluantur ænigmata, separentur inutilia, explorentur arcana, parcatur vna inutilibus sumptibus, omniaque, Spiritus Sancti auspiciis, ad diuini nominis gloriam & humani generis commodum impendantur.

E re hinc visum est edere leuidentè hoc opusculum, siue aliis placeat conferre operam mutuam, seu ad amicabilem saltim sensum trahi, vt mitius sentiant de thesauro hoc, nec nudo contemptu artem prosequantur. Vtut enim multi sint, quod in pro-
uerbio est, thyrsigeri, pauci Bacchi; meretur tamen exquiri veritas, & perlæ vel e sterquilinio seligi.

Optandum foret, vt magnates, quorum bona pars penetrarunt intimius admissi in hæc sacra, & de tali honestissima societate instituenda cogitarent, vel saltim fauerent maiori gratia genuinis artis filiis, securi sic futuri a fraudibus, non inescandi ad frustraneos & immensos sumptus, demerituri summe vniuersam rempublicam, medicam & literariam.

Finio hocce voto, certus magis profici simplici scrutinio, vel σοχασμῶ perito, quam vana disceptatione, calumniis, sarcasmis, quæ mirum est hodiernum adhuc celebrari tam culto alias seculo. Vale Lector beneuole, & conatibus nostris benigne faue, Dab.
Ienæ M DCCV. D. IV. Iul.



I. N. I.

INTRODVCTIONIS IN ALCHIMIAM

CAPVT I.

Ratio Instituti.

§. I.



Ntroite, etiam hic Dii sunt, aiebat olim Philosophus, in contemptam casulam suam inuitans prætereuntes. Idem de Alchimia, vulgo dicta, laudari potest eiusque scriptoribus. Exosa medicis, explosa vulgo, male audiens communiter, nihilominus

erigere caput audet, vel contemptu solo tuta, & arcens indignos.

§. 2. Enimuero iam dudum tralatitium est, nulum librum tam malum esse, quin exinde discere aliquid possis. Et turpe est, damnare non lectos, nec examinatos & ad incudem iudicii vocatos. Imo præstant omnino

A

scriptores hi aliis non paucis, quibus otium & tempus sæpe teritur inutiliter.

§. 3. Non negligenda sane ars, etiamsi sub sordido pallio latitet, nec plenis buccis decantetur: vt auro & gemmis sua manet dignitas, etiamsi in simeto vel sterquilinio recubent. Sublimior est, quam prima fronte apparet, & plura præstat, si rite æstimetur, quam promittit, licet id videatur paradoxum.

§. 4. Neque damnanda est hinc simpliciter, & sic exterminanda, quin rei inquisitio perquam est necessaria; prius cognoscenda, quam ames vel reiicias, ignoti nulla cupido, nullum iudicium, nullum æstimum.

§. 5. Non ignoranda est eruditis quibuscunque, si quidem solidam eruditionem venentur, idque per alias occupationes liceat; si quid aliud enim, sane Alchimia facit ad *πολυμαθίαν* & literaturam.

§. 6. Diuina ars ab ipsa origine nunquam non habita, licita est & honesta. Et sola etiam scientia iucunda est, medicum apprime decet, ornat eruditos omnes, quos cedere in hoc non raro ipsis plebeiis mireris non immerito.

§. 7. Quid vero honestius, iucundius & nobilius, quam exercere ingenium in eruendis arcanis naturæ profundissimis, in maiestatis diuinæ operibus abditis & inexhaustis, & naturæ ministro & humano intellectui in genere decenti scrutinio.

§. 8. Curiosissimum hoc est, aliis omnibus contra, & vtile, modo sobrie philosophemur, dicto & monitis audientes sapientum, quod satis superque inculcant. Delectat & prodest: delectat & satiat animum sciendi audium, prodest non vno modo.

§. 9. Neque tamen totum requirit hominem, vt nonnullis visum est, ad *παιδεία* potius honesta merito referenda, cauendo sedulo, ne intempestiue quis arti se vel dedat ac immisceat, vel efflictim inhæreat, instar perditionis amatoris.

§. 10. Imo, si vel nulla alia ratione consultum foret Alchimix operari, vel solum hoc suffecerit, ne fallaris, vt ceu filo Ariadneo e labyrintho hoc eluctari liceat. Felix, quem faciunt aliena pericula, vel fida potius manuductio, cautum.

§. 11. Cum itaque & sola speculatio sufficiat Philosopho, cum & de non-entibus ipsis fiat scrutinium, cum Geographi etiam non visa doceant ac tradant amœniter, & suus inde fructus Theologis, ICTis, Medicis inprimis & Reipublicæ vniuersæ maneat; non oleum & operam perdemus in instituto nostro.

§. 12. Seorsim duplici nomine hæc aggredi inter alia volumus. Si vllibi, sane & hic valeat: dum doceo, disco. Liberum minimum sit, philosophari de scriptis, de gestis, de communiter agitat, idque eo magis, quominus certum est tyronibus, quid eligant, quos & quomodo legere, nedum intelligere ac ratiocinari de his possint ac debeant, vel ad opus ipsum se accingere.

§. 13. Agmen claudat pietatis momentum. Ausim enim omnino verum adserere Philosophorum effatum, Chimiæ vel inuenire, vel facere pium, quod vel solum anniti operæ pretium fuerit.

CAPVT II.

De

*Obiectionibus seu inuectiuis
contra Alchimiam.*

§. 1.

Non inconsultum fuerit, statim in limine quoque firmare animum, & contradicentium, etiam doctissimorum delibare, nec intacta relinquere, effata contra decoctores, seu ipsam potius rem, si non Chimiā vniuersam, saltem transmutoriam hanc directā.

§. 2. Impossibilem esse arguunt specierum diuersarum immutationem, seu naturam spectes, quæ eandem abhorret, seu artem, quæ non vltra naturam sapit. Suauia hæc deliramenta ingeniorum otiosorum, quæ instar auri foliati extendant & inslent hominum spem, non fatient, sed destituant.

§. 3. Præsumptionem hanc rentur instar pestis seu contagis se habere, vt & Sinenses scribantur absurdo studio gemino dediti, conficiendi auri, & mortalitati se eximendi. Qui facile credit, facile decipi, imo semel hunc labyrinthum ingressos extricare se non posse, sed quasi fascinari, vt Iouem lapidem iurent, se nosse artem, vel possidere lapidem, cum nihil minus sciant.

§. 4. Quisquis amat ranam, etiam hic valere, ranam putat esse Dianam, seu lunam Philosophorum. Nec ob-

obstare, quæ egregio eloquio, multisque coloribus ad producendum suum opus adferunt, vanos & irritos esse labores omnes, thesaurum carbones.

§. 5. Obscura esse omnia, quæ scribant Alchimistæ, & hoc ipso recondi & oculi fraudes, quas vel aliis fruantur, vel sibi ipsis fingunt, decepti somniis infinitis, ut reuera quoque in delirium abrepti, seu mentis saltim quodam stupore laborare peruerso videantur.

§. 6. Diffona minimum tradi, absurdis & incognitis terminis ludi, ut quo plures legas, eo reddaris incertior; si inuestiges adeptos se profitentes, vel non inuenias, vel deceptores potius, vel saltim tenacissimos, parum, vel nihil de suo arcano communicantes.

§. 7. Processus si desideres, reperiri integra plaustra, vendi summa auri non minima, elaborari cæco impetu, in fine abire in fumum & cineres omnia. Sin fraudes astimes, mereri illas seorsim expendi, ut eandem chordam trahere obseruentur lusores & alchimistæ, ut tandem vel in crucem acti legantur, detectis criminibus, vel saltim ad miserrimam pauperiem detrusi, ipsius *Penotii* exemplo, cuius adagio hæc ars sit pessundandi, cui male velis, modo ut alchimista fiat, persuaseris.

§. 8. Quis ergo ineptiis his vacare velit, & si non alia incommoda experiri, saltim contemptui & scemmatibus vulgi sese exponere? Demus, magnates sustinere posse hoc onus, & erogare sumtus, reliqui sub mole illa succumbunt omnino. Visi hinc, quibus res ad spiritus vini destillationem, ad nitri confectionem, ne dicam ad fraudes alias, ad restim ipsam, ac mendicitatem, rediit.

§. 9. Imo, si rem acu vel minimum tangas, pericu-

losæ plenum opus alex subeas, adeo hinc carceres, tormenta, aliaque præsto sunt, quibus gaudia concepta luas; ne dicam de *ægyptias* huius in sacris quoque damnatæ vi-
sæ vestigiis, *Act. 19, 19.* aliisque auis, in quæ præcipitat homines non tantum obscuros & malæ fidei, vnde in pro-
uerbium fere abiit: mentiris vt alchimista; sed etiam melioris conditionis & commatis.

§. 10. Tacemus, quæ integris libris contra Paracelsum conscripsit *Thomas Erastus*, vbi plura legas argumenta, & aliunde huc referenda facile, cui tamen satis fecit *Gastus Claneus*. Ex quibus, aliisque concludendum fuerit, artem esse vanam & tantum non ad superstitionem illicitam, ad Diaboli illecebras (quem nonnulli sollicitasse scribuntur omnino ad detegendam materiam,) plenis velis abducere.

§. 11. Sed vt scepticos vbique reperire licet, ita & alchimiam hoc fatum manere non mirum est, quod Philosophiam, Medicinam, Theologiam ipsam & scientias alias experiri notum est, vnde de eo quod nihil scitur, & de vanitatibus scientiarum, sunt, qui scripsere. Verum a falso secernendum vbique.

CAPVT III.

De

Fraudibus & fallaciis Alchimistarum.

§. I.



Ix vllibi vnquam mens humana decipi se passa est magis, quam in arte transmutatoria, adeo vt non
satis

fatis cauere possimus, quin in casses illas auri aucupum incidamus, nolentes volentes quasi concedentes in illecebras tam amoenas.

§. 2. Quod enim quis amat & exoptat, id facillime credit, neque facile aliter persuaderi potest, quin inhæreat, neque auerti ab ideis conceptis æque possit. Hinc consultum est, fraudes illas in antecessum nosse, incautis utpote & ignorantibus solum noxias.

§. 3. Duplici autem potissimum nomine illæ proponi possunt, ut conceptæ, & illatæ ab aliis; hæ frequentiores & cauendæ potissimum, nec illæ tamen negligendæ, non minoris momenti.

§. 4. Videas hinc fraudes tales struentes alios simpliciores paulo & credulos, alios dolosos magis, v. gr. in offerendo, adulando & persuadendo; habere se arcanum, vel in manuscripto, vel sua inuentione, vel amica & arcana communicatione, vel hereditaria possessione. Vni soli licere id reuelare, quem elegerint, ut pium, ut probatum, ut silentio & aliis aptum.

§. 5. Ita semel inescatus, facile abripitur ulterius, siue docti sint illi artem professi, siue rudes, noti, ignoti, pauperes, ardeliones. Mirum est, quanto numero affluant tales in aulis quoque, ubi norunt operam arti dari, vel aures commodari.

§. 6. Quod si hinc porro admittantur, fraudes longe maiores committuntur in laborando, in theoria & praxi. Primarium obiectum fere est mercurius, ne dicamus iam de aliis, quippe qui instar Protei ad fallacias illas maxime omnium quadrat, vel si huius iam cognitum fuerit versipelle ingenium, saltem ut minister & apparitor operis commendatur.

§. 7. Quis vero enumeret omnes illas technas, quæ vel circa hunc solum perpetratæ fuere, ad nauseam hinc inde notatæ, etiam in tingendo? Vtut enim & veri adepti aliquando luferint incredulos, loco vitri antimonii processus elegantioris, loco corrosiui alicuius, vel desiderati alterius, auri confectionem præstantes, cum stupore improuisi effectus; secus tamen malæ fidei alii egere.

§. 8. Ita aurum vel argentum non modo sub aliena larua occultatum (vt quidam sub vsifur nomine fecit,) adhibitum fraudi ministravit, sed etiam in carbonibus, crucibulo, ferro, quæ velut grossiora iam satis notata, cum tyronibus tamen artis communicanda sunt.

§. 9. Subtilior fraus in speciosis experimentis latet, cuius vnum vel alterum saltem exemplum tangi meretur. Pertinet enim huc decantatus clauus ferreus, ex dimidio aureus, Florentiæ vel alibi quoque spectandus, a Thurnheusero olim tinctus, ne dentem aureum huc arcessamus, bis in scenam illatum. Vtut enim negare nolimus, etiam ferrum reuera tingi posse, fucum tamen illum & lusum iam dudum alii notarunt.

§. 10. Sic & liquor mercurium in momento in argentum commutans, & ita fixans, vt omnes sustineat probas; imo imperialis argenteus auri colore tinctus peritioribus satis notus est. Loco mercurii nempe luna liquore soluta & latens remanet, illo in auras fugam capeffente, quod & de auro valet eodem processu, vnde etiam non inepte dicitur *die Narren-Tinctur*, quo de videatur *W. Schröterus, Becherus, & alii.*

§. 11. Imo & sublimiori pacto confectum aurum, & ab omnibus pro tali habitum, iam olim a *Suchtenio* detectum est, quo iure illum titulum subierit.

§. 12. Tacemus fraudes centenas alias, ab *Erasmo* in colloquiis ipso & aliis tactas. Idem vero & in transmutatione martis in venerem, nostra memoria, decantata & celebrata a summis viris, idem in proliciendo mercurio corporum & curiositatibus in aliis metallis contigit.


§. 13. Cauendum ergo, ne vel Φιλαυτία aliqua, vel Φιλαργυρία quis decipiatur temere, multo minus alios decipere præsumat. Præstat aliquando eleemosynam erogare offerenti se tali artifice, quam longius in casses trahi. Præstat statuam mercurialem bonorum virorum sequi, & Pindaricum illud: μέννασθ' ἀπιστᾶν, cordi habere. Qui secus fecerit, cum Phrygibus sero sapiet, ipsique sibi hinc culpam imputet,

CAPVT IV.

De

Fundamentis artis.

§. 1.

 Vm momentosa sit ars, & vniuersali quasi omnium nationum applausu confirmata, imo ipsi ex professo contradicentes, *Kircherus*, *Verulamius*, ne *Conringium* & alios laudemus, velut conuicti nolentes volentes eandem admittant; operæ pretium est, lustrare eiusdem fundamenta.

§. 2. Et sane a naturæ mystis, etiam non-chimicis, quasi concessum est, omnia metalla ex sulphure & mercurio constare, quibus, tanquam magis externis & obuiis, tertium, coagulationis principium, & internum magis,

B

seu

seu commune vtrisque, merito addidit *Paracelsus*, sal. Hoc velut principali asserto dato, alia quoque tanquam postulata fuere enata.

§. 3. Sic omnia metalla nil aliud esse arguunt, quam mercurium diuersimode coagulatum, digestum, mixtum, fixatumque, pro terræ, sulphuris & ipsius mercurii puritate non vna. Ipsa vero mineralia, & inter hæc mercurium viuum quoque, nil aliud esse, quam antiquam metallorum, metallum crudum, indifferens, in fieri, immaturum; & ipsa tamen hæc iisdem gaudere principiis, iisque magis volatilibus, vnde in spiritus & corpora exorta est diuisio.

§. 4. Cumque omnia creata gaudeant fecundatione sua, cum primis regnum vegetabile, & animale, idem etiam minerali non denegatum esse a diuino numine, adeoque & mineralia & metalla pollere suo semine, seu vi multiplicandi.

§. 5. Omnia quoque metalla reliqua participare de auro, in aliis magis reperiundo, vt ZiB in marca argenti agnoscat *Paracelsus*: in aliis minus, vt ex marte ipso folia auri obtinuerimus; imo idem in silicibus, solaribus hinc dictis, etiam nostratibus, nedum Africanis, Hungaricis, & aliis, in lapidibus vel marcasitis quoque extrare, & ex fluuiorum arenis elui.

§. 6. Vtque essenziale metallis omnibus est, posse fundi & malleari; ita peculiare huic regno, quod sint miscibilia, & alterum in alterius sinu recondi possit, quod seorsim in monetis, aurichalco, vasis vtensilibus & aliis visitur, manifesto indicio similitudinis & harmonicæ symbolisationis inter se.

§. 7. Seorsim vero amalgamari, vt vocant, seu blande solui (quamuis alia magis, alia minus,) cum mercurio, qui itidem de omnibus facile participat, indicio similitudinis & homogeneitatis maioris, quod simile gaudet simili, & alia longe ratio sit metallorum, quam reliquorum dictorum regnorum.

§. 8. Sic & sulphur esse principium maxime diffusum, ipsumque mercurium inflammabilitati contrarium, seu, verbis *Gebri*, adustionis saluatiuum, inde ligari & compedes pati non minus, ac a salibus volatilitas eiusdem exui potest, & a solo igne quoque figi ac alterari; sulphur vero exaltari & maturari.

§. 9. Inter hæc aurum & argentum fixiora esse præ reliquis, & prius inprimis nulla ignis tortura minui posse, reliqua metalla vel in calcem, vel in crocum facile conuerti & abire.

§. 10. Neque desunt exempla, ipsa vegetabilia, vel musci apud nos more, penitus posse transmutari, exuta & destructa priori forma, & inducta noua; ne de martis in venerem abitione etiam naturali in Hungaria, etiam in foliis arborum, saltim corroso & destructo penitus priori corpore, ob exuperantes particulas venereas, a corrosione separatas & iunctas, dicamus.

§. 11. Nullum denique metallum tam diffusum suum corporis, tum consequenter tincturæ esse, quam aurum, quamuis mars & venus quoque non parum eandem diffusionem suo exemplo illustrent.

§. 12. Cum ergo volatile possit figi, ab igne, a miscela, a fixantibus aliis, immaturum maturari, digeri & exaltari, aurum vero, hinc & argentum, sulphure & mer-

curio puro, eoque fixissimo gaudeant, credibile est, nec pro absurdo habendum, idem reclusum, pansum, digestum & exaltatum, posse corrigere & fixare metalla reliqua, fermento seminali, vt centraliter inde digesta & exaltata, fixato alteratoque sulphure & mercurio, immutari & conuerti in aurum possint, pollentia singula vinctuositate intime obuolvente partes terreas lutas & mercuriales. Q. E. D.

CAPVT V.

Experimenta artis.

§. 1.



T vulgatissimum est axioma, vna experientia plus valet, quam centum rationes; ita idem quoque valet merito de alchimia: idque tanto magis, quanto facilius consentit intellectus, rationibus quoque inductus, non contra niti easdem, sed succinere debere & subistere experientiæ.

§. 2. Cum ergo in ore duorum vel trium testium infucatorum consistat historiæ omnis seu facti veritas; cum demonstratio a posteriori, etiam alteri a priori contra, non minus conuincat, & ipso actu transmutandi manus reddantur vel redditæ sint oculatæ, vt credant quod vident, & repeti possit, quod *Cornelio Martini* (quem artis huius cultorem sua manu edocti nouimus,) oppositum fertur: Solue mihi hunc syllogismum; absurdum fuerit omnino, vel ad præstigias referre, quod contigit, vel fidem tamen abrogare omnem, sensibus repugnantibus.

§. 3. Quamuis vero abunde ab *Hogbelando* & aliis

talia

alia exempla genuinæ transmutationis recensita sint; non tamen fuerit superuacuum, saltim pauca quædam selectiora pro artis veritate delibare.

§. 4. Sane iam *Æneas Gazæus in Theophrasto* geminis locis clarissime docet, artem iam suo tempore celebratam & experimentis notis aurum pulcherrimum ex ære, ex argento & stanno confectum fuisse. Quod & *Manilius l. 4. astronomicorum* confirmat, nodum in scirpo quærentibus, qui aliter interpretantur, quo de vid. *C. Barthius Comm. in Gazæum p. 151.*

§. 5. De Arnolfo Villanouano illustrium Ictorum insignissimum extat testimonium, eum virgulas aureas arte chimica produxisse, quas omnium examini subiecerit in aula Pontificis Romani. Recenset illos *Delrio disquis. Magic. l. 1. c. 5. Q. 1. f. 4. p. 61.* qui & ipse ibidem plura elegantia habet, ne de Lullio dicamus, qui idem largiter præstitisse ibidem & ab aliis scribitur.

§. 6. De Paracelso ut nemo fere dubitat, artem nouisse, ita extat excerpta ex Mich. Neandro Epistola apud *Wolffium Lection. Memorab. Tom. II. fol. 502. f.* Francisci cuiusdam, famuli eiusdem, quod mercurii viui fj in aurum commutauerit, non nisi $\text{3\text{B}}$ pondere imminuto.

§. 7. Luculentum est testimonium *I. W. Dienheimii Medicin. vniuers. c. 24. p. 64. seqq.* de Alexandro Setonio, qui Anno 1603. coram ipso, Iacobo Zwingero, & aurifabro, ex sarturno cum sulphure fuso purissimum aurum, & Hungarico præstantius, confecit. Conferatur *Theodorus Zwingerus, Scrutin. Magnet. cap. 3. p. 20.* & *Iob. Baptist. Morinus præfat. apol. Astrolog. Gallic. p. 1.* *Crellius in Prefatione Basilic. chemic.* qui id apud *Sendiuium*, ut vocat, vidit.

§. 8. Anno 1608. a Georgio Scoto publice sine fuco, non priuatim, non intra muros clandestinos, sed palam & in hominum cœtu, aurum ex quouis metallo, ab aliis sibi exhibito, confectum esse, qui vidit, interfuit, & ab illo puluerem accepit, testimonio veritatem denunciat *Petrus Arlensis de Scandalis Sympath. 7. Metall. & 7. lap. selector. ad planetas p. 292. f. vbi plura habet.*

§. 9. Ipsum Diuum Ferdinandum III. sua manu tinxisse mercurium viuum (libij in libijs) in aurum purissimum, confirmat ipso nummo inde percusso depicto *Zwelfer Mantiss. Spagyric. p.m. 796.* grano vno tincturæ, a quodam *Richthausen* dicto, hinc Domino de Chaos insignito, & *Becherus in Oedipo Chim.* Is ipse vero coram Electore Moguntino Ioh. Philippo 1658. idem fecit, cuius portionculam adhuc possidemus.

§. 10. Tacemus experimentum *Helmontio* exhibitum *Libro Vita aterna inscripto.* Visendum adhucdum est apud *Heluetium* Hagæ Comitum aurum, quod ipse ex communicato ab incognito artifice tantillo tincturæ confecit, & describit in *Vitulo aureo.* Afferuit idem nobis vir candidissimus & fide dignissimus, cum *Montesnydero* conuersatus, quod sua manu itidem mercurium in aurum tinxerit.

§. 11. Et ne vllum restet dubium, præter alia plura, & præsertim tempore Rudolphi II. Imperatoris, & Augusti, Electoris Saxonæ. & hodie peracta, instar omnium esse potest nouissime Berolini factum experimentum a pharmacopœiæ tunc temporis studioso *Boëttichero*, in præsentia heri sui *Zornii*, & duorum Pastorum hospitum, quod nemini non notum est, vt plura hoc loco non recenseamus, *Francofurti ad Mœnum, & Viennæ facta.*

§. 12. Quamuis ergo quot capita, tot sententiæ, & qui nihil rectum verumque putant, nisi quod ipsi viderint, tetigerint, fecerint, diuersimode de his iudicent; proterui tamen fuerit hominis, fidem tot testibus, omni exceptione maioribus, denegare.

CAPVT VI.

DE

Artis antiquitate.

§. 1.

NON vitio arti verti posset omnino, etiamsi nouissimæ esset inuentionis, ad instar plurimarum aliarum; ast quando calumniose, vt nouum figmentum, traducitur ab ignaris, merito ad delibandam eiusdem antiquitatem & consequenter veritatem inuitat.

§. 2. Fama tralatitia est, eaque in re fundata, natam esse in *Aegypto*, omnium artium præcipuarum fonte, saltim vnde ad reliquas orbis incolas transmitti potuerit, vnde & non tam a Chamo, quam ab Arabica radice chama *exarsit, calore examinavit*, deriuari potest.

§. 3. Cumque Hermes Trismegistus antiquissimæ sit notionis, ne de Thubalcaino & inde Vulcano dicto loquamur, & plurimi Chimici, nemine dissentiente quasi, huius meminerint; nil obstat, quo minus Tabulam Hermetis pro genuino lemmate artis habeamus, quamuis nonnulli mercurium potius, quam viri nomen innui velint.

§. 4. Floruit & in *Arabia*, & probabilius prius, quam apud Græcos, vnde & al, articuli, additione alchimia vssatissime audit, & hinc chimia potius quam chymia, quod

Ara-

Arabes y careant, vel chemia scribitur, quamvis vnusquisque suo genio gaudere queat.

§. 5. Culta est in *Gracia*, Democriti & Zosimi, hinc & aliorum plurium exemplo, quorum fragmenta & *auēdoſa* non viderunt antiquitatem impugnantes; meminit tamen *Hermolaus Barbarus*, & *Salmaſius*, recensuit *Reineſius*, & *Borrichius* vidit etiam ex Bibliotheca Ducali Gothana, & nos ostendere possumus, vt absurdum sit hodie id negare velle.

§. 6. Nec *Romanis* incognita fuit, cum Caius Imperator ex auripigmento aurum confecerit, *Plinio* autore, siue proprie dictum intelligatur, siue chimicorum, vt solent ludere etiam huius nominibus.

§. 7. Tacemus a Tiberio enectos artifices, qui circa vitrorum texturam aliquid peculiare inuenerant, veritus, ne aurum hinc vileſceret, & Diocletianum exuisse *Aegyptiorum* collectos de arte libros, vt deſisterent libertatem affectare & rebellare.

§. 8. Quod enim rarius artis meminere autores, sine dubio factum est ob tyrannidem, quam metuebant artifices, edocti Tiberiano exemplo, ob scribendi & tractandi modum hieroglyphicum, quod & ipsum antiquitatis monumentum est insigne, & hoc si nouerimus, vestigia omnino illustria deprehendas non pauca.

§. 9. Ita huc pertinent non modo ab antiquissimo *Homero* tacta, vt de Marte & Venere a Vulcano illigatis inprimis tradita sua faciunt & explicant chimici, & ex *Quidii Metamorphosi*, (ne *Hesiodum* laudemus in *Theogonia*,) hac illa alii, sed & plura huc referri merentur.

§. 10. Instar omnium sit locus *Platonis* in *Timao* de auri

auri ramo adamante, qui non aliter quam mythologice explicari potest, ipso Philosopho clarissimis verbis id docente. Idem dictum sit de ramo aureo *Virgilii*, de quibus alibi fusius egimus; neque vlla admitti hinc potest alia commodior & aptior explicatio.

§. 10. Sic & *Maximi Polybii* epigramma, in agro Patuino inuentum, ab ipso *Hermolao Barbaro*, qui in rei memoriam id retulit *Corollario V. p. m. 69. b.* & lapidi minus fauet, de artificio hoc incomparabili explicatur.

§. 11. Idem de ænigmatico epitaphio antiquissimo Bononiæ inuento: *Ælia, Lælia, Crispis &c.* communiter explicatur & coniicitur. Imo & in libris Sibyllinis non de alio reuera sermo est in ænigmate relato *lib. 7. p. 170.* siue per *δρῶνινδν*, siue, vt nos eruimus, per *κασιτερον* explicetur, res enim eodem recidit.

§. 12. Obseruauit hinc & *Crato* apud Scaligerum, iam dudum ante Paracelsum hæc chimica opera fuisse exercita & descripta, *Prefat. L. Exercitat. de Subtilitate.*

CAPVT VII.

De

Autoribus & scriptoribus Chimicis.

§. 1.

SI vllibi notitia autorum necessaria est, sanē in alchimia ea fuerit præcipua. Non solum enim plurimi sunt plurium seculorum; sed & diuersissimi, nec vnus eiusdemque commatis.

C

§. 2.

§. 2. Imo ipsimet fatentur, plus fidei & cognitionis esse impetrandum, si a Deo Opt. Max. discefferimus, ab autoribus, quam quibusuis aliis, ipsisue adeptis viuis, idque tanto magis, quanto hi sunt rariores & arcani sui, etiam putatitii saepe, tenaciores.

§. 3. Horum vero selectu non minori ac notitia opusest, vel ob ipsam copiam, nedum diuersas hypotheses, tum in genere, tum quorundem saltem in specie. Singuli enim probe distinguendi sunt, ne fallaris, & seligendi, quos sequaris.

§. 4. Vt itaque de illis quædam dicamus, notabile est (1.) alios esse *antiquos*, alios *medios*, alios *recentiores*, ipsiusque nostri seculi, vel temporis. Omnes in eo fere conueniunt, quod sint obscuri, alius tamen alio magis, vt hinc saepe diuissim hunc ex hoc, alium ex alio capite consulere vel nosse consultum sit.

§. 5. Antiquissimus sine dubio est *Hermes*, primus ille, *Trismegistus*, quamuis & posterior non sit contemnendus. Conueniunt vero omnes genuini in tertio quodam, imo vnam rem diuerso ore & modo eloquuntur & profitentur, vt, etiamsi dissentire videantur, reuera tamen meliores quiuiscamice & harmonice inter se conspirent.

§. 6. Sunt tales (2.) alii *Ethnici*, alii *Iudei*, alii *Christiani*. Exemplo sit *Isis*, *Democritus*, *Artephius*, *Morienus Romanus*, ex Arabico versus, ne *Pythagoram*, & *Turbam Philosophorum* huc arcessamus; Christiani vero plerique & potiores. Iique (3.) omnium nationum, *Ægyptii*, *Arabes*, *Græci*, *Latini*, *Hispani*, *Angli*, *Galli*, *Germani*, exemplo *Geabri*, *Morieni* laudati, *Codicis Chimici Græci*, *Lullii*, *Villanouani*, *Basilii Valentini*, *Paracelsi*, *Riplai*, & infinitorum aliorum.

§. 7. Sunt hi porro (4.) partim *impressi*, & vario idiomate versi, partim *Msti*, seu iniuria temporum, seu copia, seu inuidia, vt de *Libro X. Archidoxeon Paracelsi*, pluribus annis post impressa primitus opera edito, notum est. Fatum id experiuntur Græci laudati plerique, & alii tomi integri afferuntur in bibliothecis.

§. 8. Hinc & (5.) alii *coniunctim* editi habentur, cum vel sine selectu, alii *seorsim* impressi. Laudandi hinc illo nomine ex antiquis *Codex Græcus* laudatus, idemque *Latine versus*, hinc *Artis Aurifera Autores*, duobus voluminibus Basileæ editi Anno 1572. *Theatrum Chemicum Argentoratense* VI. voluminum in 8. *Museum Hermeticum Francofurtense*, & *Bibliotheca Chimica Albinæ*. Recensionem vero singulorum fere *Borrichius* in *Conspectu Chemicorum*, & nuper *Purgatorium Chemicorum Anonymi* edidit; sed magis genericam.

§. 9. Alii (6.) *directe* & ex professo artem tradidere, quales sunt recensiti plerique, si assutos quosdam excipias: alii vero *indirecte*, sparsim & obiter, seu ipsi manum admouerint, qui longe optimi, seu recenseant tantum, non contemnendis loculis. Inter hos *Plato* ipse, *Virgilius*, *Fernelius*, *Cornelius Agrippa*, in epistolis, *Palingenius* & alii numerantur, sane nec ipsi contemnendi, & breuitate commendandi succincta.

§. 10. Vt alia plura taceamus (7) alii sunt *classici*, *veri*, *principes*, adeoque præferendi merito, alii *fucati*, *vani*, *errones*, putatitii: Inter illos *Hermes*, *Lullius*, *Basiliius*, *Geber*, *Paracelsus*, *Essagnetus*, *Sandinogius*, *Philetba* &c. numerandi. Alii (8.) *prosa*, alii *ligata* oratione scripsere, vt *Augurellus*.

CAPVT VIII.

De

*Requisitis futuri artificis.*S. 1. *¶* Vm alii sint artis contemptores, illam scilicet vt-

plurimum ignorantes, alii perditæ & inconsulte, ac invita, quod aiunt, Minerva inquirentes, neutri sequendi sunt genuinam viam ingressuro, vnde præmonendus, imo & præmuniendus prius, quam rem occipiat, ne oleum & operam perdat.

§. 2. Quæ communia sunt omnibus studiis, etiam in diuina hac arte præcipue cordi habenda: pietas, lectio & meditatio, singularumque sedula repetitio ac continuatio. Cum enim arceri omnes, nisi quos æquus amauerit Iupiter, eumque hinc inuocandum esse & Ethnici agnouerint, non nisi prægressis precibus, nutu diuini Numinis, quicquam sperandum erit.

§. 3. Nosse hinc oportet genium scriptorum, obscurum illum, parabolicum, ænigmaticum, nosse & distinguere auctores, quos solos fere adire & audire datur; multum enim refert, quem eligas & sequaris. Immiscent studio plane ἀλλότριον, seductoria, nec ad rem vllatenus spectantia, vnde cauendum, ne nubem pro Iunone obtineas.

§. 4. Cum ergo sit casta meretrix Alchimia, vt sic dicam, quæ multos inuitat, paucos admittit, nec cuilibet contingat adire Corinthum, deliberandum etiam hic est diu, quod statuas semel. Præstat, multa discere, plures legere, non

vnum

unum solum, & relegere, pauca experiri, nec prius admo-
uere manum, quam probe omnia fuerint eruta ac cognita.

§. 5. Et hic occurrunt exoterica & acroamatica. Ausim di-
cere, etiamsi omnia quasi præmansa ingerantur & velut
palam edicantur, plures tamen occurrere scopulos, vt re-
uera arduum sit & difficile opus, nec temere suscipien-
dum; vnde in opus primum, seu antecedens, & secundum
diuidunt. Primo superato & sapienti omnino fuerit opus
mulierum, vt vocant, ceteris inaccessum fere.

§. 6. Inprimis nosse oportet naturam & sequi, quod si fiat,
non pauca, imo omnia quasi obstacula remouere inte-
grum est, & contra. Cumque cardo rei versetur in notitia
materiæ, hæc omni modo exquirenda, cum qualem se-
mentem feceris, talem etiam messem habeas expectan-
dam. Neque hac cognita æque res in vado est, quin error
subinde contingere queat.

§. 7. Nosse insuper, ne fraudes repetamus, ignem, eiusque
regimen & administrandi modum, quæ coniunctim suo
modo ex Chimia pharmaceutica etiam hauriri queunt &
debent, quamuis sint longè distinctæ artes, nec inter se
confundendæ. Nosse item Metallurgiam, Docimasticam,
Physicam &c.

§. 8. Et quandoquidem cautione & prudentia opus est,
non arcendi quidem iuuenes ab hoc studio, vel deterreri
debent, visi enim sunt cum *Philaetba* etiam iuuenili ætate
adepti; ast præstat fere tardius & maturo cum iudicio ag-
gredi, vt *Comes Trevisanus* in senectute tandem voto bea-
tus fuit.

§. 9. Facit huc plurimum, ne sit avarus inquisitor operis,
hoc ipso excludendus, quod diuitiis & voluptatibus inhiet,

nec prodigus, præterquam erga pauperes liberalis, ne erogans pecuniam temere certam ad pauperiem ineat viam; nec festinans hinc, omnis enim festinatio, inquiunt Philosophi, est a Diabolo, sed indifferens, æqui habiturus theoriā ac praxin, nec hanc sine illa occepturus, non superstitiosus item, ut pluribus accidit cum dispendio.

§. 10. Labyrinthum se inire cogitet, vbi ductore, filoque Ariadne opus est, probe comparata debita omnium ac necessaria notitia, & prudentia, ne credulus, ne processus ambiens, ne aliis modis deficiens vel excedens fallatur in lubrica & spinosa via.

§. 11. Utque plura non tangamus, suis oculis delibanda, ad sacra hæc Eleusinia vera opus maxime est silentio, & iuramento Philosophico, siue a viuo Doctore iniuncto, siquidem præuio consilio talem inuenias, siue rei ipsius exigentia in conscientia quasi præstando, ne aliis ludibrio, periculo & damno se exponat, tam perditō opere, quam succedente.

CAPVT IX.

De

Ratione scribendi autorum.

§. 1.

Ecularis est modus tradendi & scribendi Alchymistarum, ab omnibus aliis diuersus, quod partim antiquitatem sapit, sapientiæ veterum mythologica, partim secretam artem, quam velut studio magis inuoluere & obuelare, quam detegere ac docere voluerit.

§. 2.

§. 2. Certant fere in hoc omnes, antiqui pariter & recentiores, vt non nisi obscure & parabolice scribant, æquiuoce ac dubie, vt si putes rem exhaustisse & optime cal-
lere, deceptum experiare, quæ vna ratio est, quare tam pauci absque Delio natatore ad vellus hoc aureum pertin-
gere obseruentur.

§. 3. Vt vero distinctim paulo libemus hieroglyphi-
cam hanc philosophiam, expressa illa visitur communissi-
me omnium (I.) per SIGNA, chimica hinc κατ' ἐξοχήν di-
cta. Hæc partim communia sunt cum astrologicis, indi-
cio antiquitatis vtriusque scientiæ genuinæ, vt septem pla-
netæ cum septem metallis vno eodemque scribantur &
innuantur typo ♄, ♀, ♂, ☉, ☿, ☿, ☿. Suffecerit nobis ex num-
mo Claudii Imperatoris genuino demonstrasse notam mer-
curii elegantissimam.

§. 4. Partim propria, vt non solum in signis illis chemicis
⊖, ♄, ☿, & elementis Δ, △, ▽, ▽, sed & variis mineralibus
& ⊖libus aliis, vt ☿o, ☿lo, ☿io, ☿oco, &c. quæ notissima
sunt, apud *Schræderum* aliosque videnda expressa. Partim,
vt sic loquar, propriissima.

§. 5. Cum enim vtraque laudata, certo respectu, sint
& dici debeant communia cum Astrologis, & Chemicis ali-
is, non acquiescunt in hac nomenclatura, vel lexico chi-
mico, sed secedunt vltcrius, & per Saturnum v. g. Iouem,
Martem, Solem, Venerem, Mercurium, Lunam, non com-
mune aurum, argentum &c. sed suum, nostrum, Philoso-
phorum, vel indefinite intelligunt.

§. 6. Imo adhuc vltcrius procedunt, & more veterum
quoque Mythologorum, per Saturnum, v. gr. Mercurium,
per Iouem modo Mercurium, modo Aurum, per Martem
idem,

idem, vel aliud, per Lunam, Mercurium, Venerem simplicem, inuersam intellectam volunt, seu Philosophorum.

§. 7. Idem dictum esto de Θ e, Δ e & ξ io, quin & elementis ipsis, vt apud *Artephium* & alios per hæc fit rei expressio, ne dicam de omnibus & singulis mineralibus. Quamobrem distinctissima sunt Θ , Δ , & ξ Chemicorum, & Philosophorum, adeo, vt v.gr. per ξ ium ipsum Θ , & vicissim per Θ ξ ium, per Δ aurum aliudue significetur.

§. 8. Et in hac tamen æquiocatione latet sapientia, cum diuersi sint mercurii, vel *Tullio* teste, *Libro de Diuinat.* diuersa sulphura, diuersa salia: & in ipso mercurio omnino sit acrimonia salina, & sulphur volatile incombustibile. Satis est, in sua arte id sibi licere arbitranter nosse ac distinguere.

§. 9. Quod si hieroglyphicam signaturam vel verbo tangamus, v. gr. in genere ξ ii signum, cum Δ e symbolifans, alis suis ætheream volatilitatem notat, ætherem velut corporeum & concentratum elasticum, quod crux innuit, vnaque fixam sic respectiue, vel figendam.

§. 10. Tacemus alias significationes, quæ apud alios & speciatim in *Speculo Philalethico* occurrunt. Imo, vt hoc addamus, per alas illas geminas potius insignia Dianæ & columbas ξ ris innui putaueris rectius, quam ipsam Δ am, vel si hanc, non nisi ipsam Philosophorum. Ita & Θ is signo clausissimum & igne inuictum metallum innui ratio & experientia docet, ipsiusque æternitatis sic symbolum. 4 vero inuersus η signat, & vice versa.

§. 11. Idem etiam exprimere solent (2.) CHARACTERIBVS pro lubitu, quod quidem paulo rarius est, & alias ad sigilla planetarum ac amuleta refertur, de quibus duos
saltim

saltem laudabimus: *Præstigia Hermetis* dicta MSS. & *Hübnerum de Sigillis Planetarum*.


§. 12. Vti vero etiam his designari artem aliquando observatur, vel credibile est, ita verbo saltem laudabimus antiquum illud seu pentagonum (1.) \star , seu hexagonum \star , ex inter se ductis trigonis, quod & inter imagines solis referunt *Præstigia Hermetis*, & (2.) \equiv p *Paracelsi*.

CAPVT X.

De

Hieroglyphicis variis continuatis.

§. 1.


 Vllibi tam fœcundos ingeniorum lusus inuenias, ad exprimenda, an occultanda, animi sensa, quam apud scriptores chemicos, vt nuspian magis opus sit Oedipo. Patet id inter alia etiam ex NUMERIS, quibus & hoc sine hi illi vtuntur.

§. 2. Sufficiat nobis saltem tria exempla laudare, primo ænigma rhythmicum *Basiliæ Valentini*, quod euolutum in numeros chalcantum seu victriolum exhibet, & in hoc ipso tamen non parum ludit, vera dicendo aliud intendens tamen, vt quod scis, nescias. Enimuero non solum idem exprimit Antimonium, si vocalibus seorsim diuisis scriptis totidem consonantes subiungas; verum & vtraque hæc iterum nouum apud ipsum constituunt ænigma. p. m. 154. f.

§. 3. Alterum sit *Rhumelii*, de nomine mercurii philosophici, libro *auicula Hermetis catholica* inscripto p. 4.

D

quo

quo  lum elem intelligit, quod nobis hac vice quidem verbo meminisse licuerit: malumus tamen integrum locum delibare, vt pateat, iam ante recentiores non paucos alios quoque idem sensisse, quod illi, vel eosdem id inde decerpisse. Ita vero sonant verba:

Drumb such allein Mercurium,
Drey Sylben und drey Vocal,
Born L zehen/ und Li zulezt/
Nuch da vier Consonanten seyn/

Hat sieben Buchstaben in einer Sum.
Eiſ C und I an der Zahl/
Im Mittel darinn ist M gesetzt.
Das ist sein rechter nahm allein.

q. d. STIBIVM, REGVLVS MARTIALIS.

§. 4. Terrium *Philaetha Enarratione trium Gebri Medicin.* longe elegantissima p. 173. vbi res principales & necessarias ad opus pertinentes sub numeris 448. 344. 256. 224. seu coniunctim 1272. occulit, quibus eundem insinuat, q. d. Regulus Lunæ e Chalybe antimoniat. Ne anagrammata apud *Paracelsum*, *Mynsichtum* & alios obuia laudemus.

§. 5. Idem & de FIGVRIS valet, quibus saepe rectius quam ipso textu insinuare voluere ingredientium & processus notitiam. Valet id de aquilis *Senioris*, de figuris *Basilianis*, tum in clauibus, tum seorsim, ne de *Flamello* & aliis passim occurrentibus dicamus.

§. 6. Imo notissima sunt vel nomina figurarum, neque enim tam exprimere iconem opus est, quam significatiua, & signa nota, quibus ignotum innuitur, delibare & nosse. Sic draconis, aquilæ, leonis, seu indefinite, seu rubri & viridis in specie, longe notissima sunt lemmata.

§. 7. Videas tamen & in coloribus, per picturam exhibendis, aliquando curiose occupatos. Tacemus signa astrologica, vt apud *Gebrum* in *Summario summa*, quod dicitur lumen luminum MSS. leonis, cancri, scorpionis, apud alios item arietis, & alia passim obuia.

§. 8. Et vti omnia hæc sunt ænigmata, ita plures huc spectant fabulæ ex mythologia veterum, vt Phœnicis, Sphingis & similium, seu directe hoc nomine efficta, seu applicata saltem. Instar omnium ipsi duodecim labores Herculis huc referuntur, & a *Petro Iob. Fabro* præcipue, aliisque explicantur, ne ex professo hæc aliaque tacta & pertractata laudemus.

§. 9. Sic & symbolicis aliis abundant Chimici præ aliis. Inprimis antiquissimum est lemma coniugii, solem esse patrem eius, matrem lunam, illum calidum, hanc frigidam: intelligendo non astra, sed metalla, & quidem philosophica. Idem etiam aliis denotare volunt, quando, loco solis & lunæ, martem & venerem, illum marem, hanc foeminam substituunt. Ne iam de copula vtriusque iterum dicamus.

§. 10. Idem dictum esto de animæ, corporis & spiritus exemplo, quo frequentissime vtuntur, item de traduce, quod rami aurei exemplo Poeta illustrat. Vt & de germinatione seminum, quod granum v. gr. non ferat fructum, nisi in terram coniiciatur & moriatur, quod & ex sacris huc trahunt.

§. 11. Hinc ob duplicem & dubiam hanc acceptiorem v. gr. luna modo masculi locum tuetur, pro argento sumpta, modo foemellæ, altero sensu. Imo quæ alii contendunt proprie sumenda, alii inuerrunt, vt in regulo martiali laudato negant martem sensu communi appellatum.

§. 12. Hæc omnia sane allegorica tanto prouentu etiam NOMINVM nouorum impositione aucta sunt, vt vel vnum suum mercurium sexcentis vocibus appellarent, ne-

dum alia. Optime vero, præter alios, hæc discernere & sub singulorum titulis illustrare allaborauit *Pbilaetba l.c.*, merito & ob hoc laudandus præcipue.


§. 13. Sola ergo hæc æquiuocatio artem dubiam & difficillimam reddit, ac labyrinthum constituit. Tacemus nomina subinde noua effingi, vt *Glaura Augurelli*, ne de *Tessia* iam dicamus. Quin quando ipsi vel explicare volunt sua dogmata, vt *Basilius Claues*, *Pbilaetba* processum *Sub-tenii* sequens, hoc ipso ad auia ducunt non raro.

CAPVT XI.

De

Materia vniuersali, seu in genere.

§. I.

 Vm ergo per signa, per emblemata, per notas & laudata alia, partim materiam, partim processum & consequentia complexi sint Chimici, & inter illa præcipue etiam per *QVADRATVRAM CIRCVLII*, vbiuis obuiam, & simplici mechanica demonstrabilem, vnum solum opus fuerit hanc ipsam præcipuam & principalem materiam in opere quærere, nosse & applicare.

§. 2. Hic vero abiire in partes, & quot capita, tot sensus, quot nomina, tot res in experimenta vocatæ fue-
re, vt nihil fere tam absurdum sub sole videatur, quod non in censum venerit. Quisquis enim & hoc nomine amat ranam, ranam putat esse Dianam, de hac enim res agi-
tur potissimum; quisquis amat ceruam, ceruam putat esse Mineruam.

§. 3. Hæc dum delibare consultum est, vt καὶ ἀεὶ saltim eruatur veritas, & rectius omnia nouerimus, primo loco, ratione ordinis etiam naturalis, occurrunt Philosophi, vt sic loquamur, elementares, seu in materia prima quærentes desideratum, vniuersalistæ.

§. 4. Vti enim de igne omnes conueniunt, esse hunc instrumentum ad maturandum, digerendum, soluendum, coagulandum, figendum, verbo, ad operis magni magisterium vnice necessarium, & vniuersalem solis ministrum, atque æmulum pararium; ita in reliquis materiam, tanquam subiectum, in quod agat, quidam statuere.

§. 5. Vt analogice & tropice Philosophi per elementa expressere non pauci artis arcana, ita hi proprie, quamuis cum selectu quodam, in hæc posuere spem suam, omnia dicta, vt fit, applicare annisi. Nominatim hinc elegere quidam & scrutati sunt terram quandam virgineam, Adamicam, pinguem, aliamue, in qua putarunt omnium metallorum latitare originem, reperiundam inter mineras metallicas.

§. 6. Alii non in profundis scaptensulis, sed in vliginosis, nigro-rubentibus pratorum & fossarum cespitibus idem se inuenisse putant, persuasi tum aliis rationibus, tum quia per spiritum inde destillatum aurum solui possit, vnde & aurum potabile & sublimiorem effectum præstolantur. Idem dixero de aliis speciebus terræ, seu lutosis, seu lapidosis, in quibus alii occupati fuere, facile huc referendis.

§. 7. Non minus in aquæ elemento laborarunt non pauci, & nominatim hi in rore, alii in pruina, auiculam Hermetis, velut pedica captam, inibi venantes, illa putrefaciendo, destillando, cohobando, separando, ipsis sibi

somnia fingendo, in terra iterum residua materiam locantes, non minimum vero virium in aqua, spiritum mundi sic captantes.

§. 8. Quin imo, cum omnia sint symbolica, & in aere, conuenientissimo naturæ mercurii elemento, secretum indagauere, iique, vt & reliqui, non infimæ notæ, sed summates ac eruditi alias satis. Et quidem mediante magnete aliquo capere illum seu spiritum, seu mercurium, & corpore facere sic allaborarunt; hi per folles, & flando largius in aquam, hi per magnetem viuum, de quo in seq. vel flando halitum in vitrum, hi aliter & per salia id præstiteri, vnde aurum auræ ipsis celebratum est, reuera antimonio, non aeri, debitum aliis visum.


§. 9. Ast vt nosse terras, mineralia, & elementa ipsa, aquam & aerem etiam, maxime consultum est; ita & hic natura non facit saltum, quæ vbique sequenda & iuuanda est. Elementa sane omnia & singula non nisi remotissima sunt habenda, &, vt simplicia, non habent in se determinatum illud, nec efformare per artem possunt compositum, non semen, nec vilo modo hinc sperare licet effectum voto congruum.

§. 10. Frustraneam itaque operam ludunt, quicunque *κατὰ πρότυπον*, vel ex lectione Philosophorum, vel applicatione intempestiua, vel orali persuasioni, ad hæc auia delabuntur, nil reportantes omnino, quam inane gaudium, cum contra naturam agant, decepti vniuersalitate prædicata, quod vbiuis præsens & reperibilis materia dicatur.

CAPVT XII.

*Consideratio vegetabilium &
animalium.*

§. 1.

 Væ de materia remotissima diximus vniuersali, ex elementis, idem de particulari ex elementatis, seu tribus regnis dicendum venit. Enimuero etiam ex regno vegetabili fuere, qui arcessere conati sunt materiam, tum aliis inducti rationibus, tum quod lapidis vegetabilis meminerint Chimici.

§. 2. Ast, vt itidem analogice lapidem vegetabilem vocarunt, a virtute crescendi & sese multiplicandi, & lapides vegetabiles & animales arte facti vni medicinæ corporis debentur, nullo modo transmutationi metallorum; ita remouenda sunt & hæc obstacula.

§. 3. Pertinet huc, quod refertur casu flos in pratis inuentus ab artifice, & super aurem locatus, cum æs funderet, casu illapsus idem tinxisse in purum aurum, facile occultando tantillo tincturæ in floris centro; quod Diuus Iohannes Euangelista scribatur ex virgis aurum fecisse; quod quidam e Societate Iesu puluillum ex regno vegetabili confecerit, aurum exhibentem.

§. 4. Hæc vt suo loco relinquimus, ita frustra fuere, qui ex tartaro, eiusque tinctura idem affectarunt, ne dicamus ex aliis. Vnt enim & salia fixa, & sulphur, simile antimoniato, (quod & ex glasto obtinuimus, & ex carbonibus haberi potest,) & vitra ex regno vegetabili confieri pos-

possint; non tamen nisi remotissime itidem se habent vegetabilia quævis, neque in sphaeram metallicam abire, per hæcenus nota, possunt.

§. 5. Par ratio est regni animalis, nam & in hoc occupati fuere non pauci, tum aliunde persuasi, tum illo *Moriendi* ad Regem Calid: Hæc res ex te extrahitur &c. Seorsim hinc alii in vrina, alii in ipsis stercorebus materiam quæsiuere, & in ipsis sic fimetis, seu in sale & sulphure in illis reperiundis, quod Adamus ex paradiso illam scribatur exportasse, & nulla stercorea circa Eremitarum claustra reperta fuerint.

§. 6. Tacemus, iam olim ex Paracelsi amphibolia, lusu vel superstitione, & hodie quoque, nostra memoria, adeo absurdos quosdam fuisse, ut ex semine humano, peruerso plane naturæ ordine, idem attentauerint, vel sola recensione refutandi apud prudentes & Christianos, cum ne Ethnici quidem id fecerint.

§. 7. Speciosius superioribus annis ex Indiis experimentum allatum est, seu vis aliena tessæ publicata, per oris magnetismum quasi capta illa ex aere auicula Hermetis; ex qua per putrefactionem, ex essentia, inquam, saluæ, (quod per anagramma emergit,) mercurio confecto artem venati sunt.

§. 8. Mittimus, quæ de gallina foliis auri pasta, ut & de dente aureo iam tacto, integris libris olim fuere celebrata, quo de *Sennertus* & *Rolsincius* in *Chimia* legi possunt. Impostura enim hæc fustigatione punita fuit. Superiori vero seculo eadem fabula repetita fuit, autore *Adalb. Tylkowsky Disquisit. Physica* de hoc edita.

§. 9. Demus, esse regna symbolica inter se, & communicare inuicem, seu participare etiam vegetabilia ac ani-

animalia de particulis terreis, & quasi mineralibus, exemplo tartari & calculorum, qui in cancris ordinarie etiam certo tempore reperiuntur, vnde & ossa ad vitrificationem apta.

§. 10. Verum est, & in vitro conuenire tria regna, adeoque fixitatem quandam demonstrare, & terras metallicas fixiores ad oculum sisti non minus posse, & vitriformis lapis ipse quodammodo describitur, non minus ac vitrum lapis vsitato dicitur; ast metallicus is & fixus, nec in tempestiue factus expetitur.

§. 11. Attamen, vt non moueri debemus autoritate siue summorum virorum, siue pro adeptis habitorum; ita nec ratio succinit, nec experientia. Nil reportarunt ἀξιον λόγῳ, nec respondit effectus, quantum nos quidem scimus.

§. 12. Repugnat vero vnanimis consensus Philosophorum, quibus tanquam expertis, quando cum ratione loquuntur, in sua arte credendum. Sufficit, distinctas species gaudere distincto naturæ concursu, & sal, sulphur, mercurium, in communi considerata, non promiscue admitti posse in consortium, cum propiora longe habeantur; & singula suo semine & fermento distinguui.

CAPVT XIII.

Mineralia exempta.

§. 1.

Digressum hinc est a potioribus ad mineralia, aliis cœco quasi ductu, & persuasione experimentandi propria, aliis verbis & ænigmatibus Philosophorum allectis, ac commentationibus.

E

§. 2.

§. 2. Præcipuum inter hæc quampluribus placuit vitriolum, siue vulgare, Hungaricum cumprimis, siue auri ipsius, maiori splendore & spe lucri concepta, illud v. gr. soluendo semel iterumque, imo sæpius, & crystallizando, inde spiritum, oleum fixum & alia communiter magis vel minus nota huc applicando.

§. 3. Accedit, quod *Basilius* idem dilaudet non uno loco quam cultissime, ac evehat, imo animam auri in eodem reperiri asserat, quo de apud *Paracelsum* quoque & *Mynsichtum* extant tum loca, tum processus expressi.

§. 4. Adde, quod colores omnes quasi secum possideat, vel producere possit, magna varietate, & participet de metallis maxime ad hoc opus laudatis, marte & venereo scilicet, hermaphroditicum.

§. 5. Ast contra ea nulla hic cohæsiō, consistentia, tinctura firma, auri nulla solutio, &, quod potissimum, nulla experientia, quamvis velut casu quodam aliquando e vitriolo Hungarico scribatur aurum prolectum, de quo inprimis legi potest *Becherus in Phys. Subterr.*

§. 6. Sciendum hinc, quod *Basilius* vitriolum Philosophorum intelligat, alibi aperte, alibi velut integro processu sub vitrioli notione recte descriptum. Idem hinc dicendum quoque videtur de minera martis solari, hodie dicta, seu vitrioli potius, sulphure non paucō foeta, & nostra memoria etiam a quibusdam in hunc censum ac experimentum vocata.

§. 7. Imo & de sale quovis simile sit iudicium, neque enim nisi ad coaguli notionem admittunt sal Philosophi; unde non audiendi, qui alchimiam, quasi ἀλός χυμίων, salis fusionem interpretantur, vt *Chrysippus Fannianus*

mus. Nam quando huius faciunt mentionem, solenni more suum intelligunt, nec vlla id persuadere potest ratio.

§. 8. Pertinent vero huc & salium varia ministeria, ad solutiones, sublimationes, auri v. gr. mercurii, & aliorum, quibus pleni sunt Chemicorum libri, vnde & plura inuenta legas. Magisterium vero artis e salino genere non aptare licet, & per suum sal longe aliud, quam formale, intelligunt Philosophi. Frustra ergo sunt, qui in sale communi, nitro, & e terra primum eruto, sale ammoniaco, vel aliis, thesaurum quærunt, quæ rodere norunt aurum, non constituere.

§. 9. Non minus hic laudandi, qui arsenicum sibi elegere; seu quod laudentur a *Gebro* tria principia, sulphur, arsenicum & argentum viuum, seu quod ita suum mercurium frequenter nominent, præsertim cum iam Caii Imperatoris experimento aurum exinde confectum fuerit, & arsenicum multum de mercurio participet.

§. 10. Ast volatilius hoc est, & deprædans magis aurum, seu natiuum intelligatur, auripigmentum, seu arte sublimatum, ne dicam periculosa operationis, nisi caueatur, vnde abstinere præstat, & manum de tabula. Idem de cobalto, cinco & bismutho dixero, quæ aliis quoque in vsum vocare placuit.

§. 11. Non paucis quoque cinnabaris habetur pro electro immaturo, & artis materia, non vno argumento. Habentur enim in eadem, seu natiua, seu factitia, simplici & antimoniata, genuina auri principia, sulphur & mercurius, & hic quidem iam semifixatus.

§. 12. Adde, quod *Fannianus* scribit, intra mensem inde argentum purissimum se vidisse concrelescere, vt emblem

emblema eiusdem mysticum non laudemus, ipsosque Philosophos non raro hoc nomine etiam uti, & quosdam Glauram Augurelli nil aliud esse arguere.

§. 13. Sed ut analogice id locum habet, & per additamenta forte ad separationem metallorum nobiliorum aliquid conferre potest: ita sulphur fixum potius, & mercurius, cuius minera est cinnabaris, alius quam vulgi ille, desideratur, neque cum auro communionem symbolicam habet cinnabaris.

§. 14. Agmen claudat verbo tangenda minera Saturni, e fodinis Misnecis, quam aliqui suam fecere; sed ut non ultra Saturni sphaeram sibi relicta eminent, ita longe remotius quam plumbum ipsum huc fecerit.

CAPVT XIV.

Consideratio mercurii vulgi, seu argenti viui.

§. I.



T reliqua mittamus, res tandem venit ad mercurium & antimonium. Vtraque hæc magnæ famæ, & potissima ab artificibus communiter habita materia, aliis in hoc, aliis in altero mirum quantum occupatis, quamvis non vna ratione ac modo.

§. 2. Et quidem pro mercurio non pauca faciunt argumenta. Cum enim materia vera vnanimi autorum classicorum ore requiratur essentiæ metallicæ; nullum videtur tam aptum, quam mercurius. Est enim metal-

lum

CONSIDERATIO MERCVRII VVLGI, SEV ARGENTI VIVI. 37.
lum quasi indifferens, fluidum, volatile quidem adhuc,
sed fixandum facile.

§. 3. Seorsim maxime cum auro symbolifat pon-
dere & substantia, vnde prompte illud subit, & amicabili-
ter soluit, seu sibi vnit, imo cum omnibus, albore cum pri-
mis gaudentibus, se sociat, minus cum terreis, & marte
speciatim; quin omnium est materia vniuersalis & prima.

§. 4. Pollet insimul sulphure occulto, & omnes
colores in centro suo gerit, ac exhibere potest, album, ni-
grum, flauum, rubrum, imo ruberrimum. Ingressum sor-
titur facilem, quod necessarium est requisitum, igne gau-
det insignissimo, torus quasi igneus.

§. 5. Hinc naturali velut inclinatione putatur ma-
xime ad aurum vergere, & in terræ latebris, ignis subterra-
nei digestionem, in aurum fixandus potissimum, nisi quod
longiori mora opus sit, vnde quod natura v. gr. centum,
vel mille annis factura erat, artifex accelerare & per com-
pendium quoddam effectum dare queat.

§. 6. Alii vero simplicem illum, seu virgineum, seu e mi-
nera sua, cinnabari, per alcalina v. g. eductum, alii corporum,
vt vocant, elegere, saturni v. g. auri, vel ipsius etiam antimo-
nii, quo de *Becherus* præ aliis legi meretur. Alii præparatum,
lotum, sublimatum, præcipitatum, & mille modis alteratum.

§. 7. Fuere &, qui sibi relictum sola digestionem vt
alterandum, ita fixandum sumpserunt, quod vno alteroque,
seu tribus circiter, mensibus peregere, vnde Azoth dictum
enatum. Alii amalgamatum cum auro vel argento, & hunc
iterum diuersimode tractatum, vel coagulatum quoque,
abstrahendo, cohobando, fixando, vel solum iterum, vel
additis acidis aliis, præcipue oleo vitrioli.

§. 8. Abblanditur etiam germinandi virtute, quandoquidem amalgamatus, vel solutus & digestus, cum auro aureas, cum argento argenteas arbusculas representare videtur, qua virtute germinandi apparente inuenisse se putant clauem artis.

§. 9. Accedit, quod autores summi, iuxta quosdam ipse *Geber*, & ex modernis *Philaletha* alique, disertis verbis mercurium vulgi, non alium, contendere videntur esse materiam, si non solitarium, & rite præparatum quidem, saltem socium, vt philosophicus euadat.

§. 10. Contra ea volatilitatem mercurii summam obstare regerunt alii, neque esse eundem metallorum semen, nec ita cum auro sociabilem, quin prompte aufugiat, nec ignis torturam sustineat, quomodocunque fuerit tractatus.

§. 11. Actum vero agere, qui, siue per tritum, siue cum mercurio, siue sine illo, per salia resuscitativa, ex corporibus seu metallis illum repetunt, qualem per putrefactionem ex plumbo etiam aliquando eruiamus, & committi sic velut petitionem principii.

§. 12. Ludere hinc artifas mercurium, vt nomine, ita re ipsa, deceptos vel frustratos in fine, vnde & *Basilus* & *Sendinogius*, maxime vero *Lullius in Codicillo*, & *Esparagnetus* id pernegant, & communiter plerique alii vno ore negant mercurium vulgarem, seu argentum viuum, esse Philosophorum.


§. 13. Alium ergo longe esse hunc, nec cum illo confundendum, quamuis & Philosophorum verus mercurius non vnâ habeat significationem, vt qui omne absoluat punctum, & in principio, & medio, & fine operis.

§. 14. Quicquid horum sit, fatendum omnino est, nec aurum horizontale *Helmontii*, nec Alcahest; prout a *Ludouico de Comitibus* describitur, & care venditum fuit, ex *Paracelso* desumpto processu, nec alios modos successisse. Sine ipsa vero mercurii additione opus parari posse, non credibile est.

CAPVT XV.

Disquisitio de antimonio.

§. I.

 Alterum sibi locum vendicat stibium, sub antimonii nomine hodie maxime notum, & columnæ instar, seu baseos, se habens in arte medica, aliis omnibus contra hætenus celebratum.

§. 2. Si audias Chemicorum primicerium, *Paracelsum*, recipiendum in principio non corpus auri, vel argenti, sed primum ens eorundem; hoc vero agnoscit & scribit esse antimonium, quem non pauci alii hinc sequuntur.

§. 3. Testantur hoc ipsum duo elementa metallorum, sulphur & mercurius, nullibi magis ad oculum demonstranda, quam in antimonio. Enimvero si mineralia sunt velut anticamera, per dicta, si in via ad metalla, excellit in hoc vnice antimonium.

§. 4. Videas hinc modernos si non omnes, saltem potiores, vota sua huic largiri, & sic veteres illos disertis verbis explicare quoque. Pertinet huc velut antesignanus laudatus *Paracelsus*, qui *Libr. X. Archidox.* manifesto cum primis *cap. 10.* id insinuat, & ob hoc, uti videtur, dilata

lata impressio in primis editionibus fere omnibus non extat.

§. 5. Concinunt operose *Becherus in Supplem.* & alibi, *Philaletha*, *Pantaleon*, *Eremita Suburbanus*, *Tollius*, *autor MSti Dresdensis*, aliique tam editi, quam latitantes adhuc. Vnus vero saltem *Basilius Valentinus* videtur a contraria parte stare, diserte abrogans eidem hanc dignitatem, si verba spectes.

§. 6. Ast, vti ludit vitrioli ænigmate, illud ipsum potius extollens, ita tantum abest, vt rite intellectus dissentiat, vt potius se ipsum explicet satis. Sub titulo enim vitrioli, suum illud intelligit disertis verbis, quo totam complectitur ingredientium cohortem, & antimonium sub veneris velabro inuerso occulit, fassus, non vnum SOLVM sufficere, & recipiendum esse. Imo magnetem agnoscit & materiam primam auri, vnde speranda sit metallorum melioratio.

§. 7. Quin hodie sunt, qui fictitium *Basilii Valentini* nomen, vel ideo assumptum rentur, vt sub eodem, reguli potentissimi innueretur vel occuleretur materia, vnde facile conciliari posse videntur in contrarium ab eodem asserta.

§. 8. Clarere id magis potest, si alia quoque lustremus phænomena. Optime enim *finit* aurum, priuatue & positue. *Soluit* idem blandissime ac intime, vt glaciem aqua calida, refert vniçe aquam siccam non madefacientem manus; idem vero etiam *dealbat* & calcinat, seu fragile reddit, vt puluerisari prompte queat.

§. 9. Cumque corpora metallica sibi relicta non apta sint, vt nobiliora tingant ignobiliora, spiritus, tan-

tanquam materia secunda, mercurialis, alterare apti videntur, & ex his antimonium, eiusque claris verbis nominatus regulus, isque a saturno antimonii distinctus, non simplex, sed martialis.

§. 10. Neque opus videtur, eundem denuo in mercurialem mobilitatem vindicare, & sic mercurium antimonii viuum, strictius sumptum, inde parare, cum coagulatus sit mercurius, & hoc ipso æque aptus ad metallisandum, fixandus potius & magis coagulandus, quam reducendus in primum ens.

§. 11. Indurat idem & meliorat, quin calcinat quoque largiori pondere, Iouem, coagulat suo modo mercurium, ne dicamus aptissimum esse antimonium ad vitrificationem, nec de vi agendi, vt in metalla, ita & in corpus, quod vtrumque lapidis est requisitum & formale.

§. 12. Vt adeo probabile admodum sit, hinc arcessi debere mercurium duplicatum, & experimenta in hoc fieri posse vtiliter. Quamuis enim processus *Philaletha*, clarissime a *Suchtenio* descriptus, ab hoc ipso inculpetur, & aliunde nobis constet, in tingendo minus vel nihil, in medicando multum præstitisse; valet tamen & hoc loco: plus vltra, & in nuda quoque veritate visa aliquid oculi a Philosophis certum est.

CAPVT XVI.

De

Apparatu & Experimentis.

§. I.



In hoc vero cardo rei vertitur vnice, a quo arcent, indignos Philosophi quam maxime, eumque describunt

F

bunt quidem, sed suo more, id est, perobscure, ut meris quasi sentibus obseprus, sit hic thesaurus, difficillime impetrandus, etiamsi vndique pangsus, obuius & obtentus videatur.

§. 2. Suffecerit nobis, & de his quædam balbutire ac speculari saltim. Vbi enim non possumus exactissime & per omnia puncta penetrare ad adyta, satis est in proximiori consistere, & formare interim conceptus saniores, ad firmandam viam, ne frustra simus, vel laboremus.

§. 3. Res illuc redit, ut nouerimus, vel probe saltim examinemus ingredientia, & tractandi modum; error enim omnis & contra ea recta via in diagnosi, seu in actu, ut ita loquamur, signato & exercito consistit.

§. 4. Ingredientia modo vnum, modo duo, vel plura, plerique autem tria fere nominant. Vnum dum dicitur, sine dubio intelligendum id fuerit, quoad radicem, mercurium, ex quo omnia coalita sunt radicaliter metalla; dum duo, sulphur & mercurium explicite magis, non excluso implicito sale, puta Philosophorum.

§. 5. Tria vero, addito hoc, adeoque completo numero, audiunt, scilicet essentialia ac principalia, non exclusis forte minus principalibus, obsterricantibus illis ac ministrantibus. Ita enim videntur hæc optime conciliari posse, ac concipi.

§. 6. Singula vero hæc non nisi ex regno minerali vel metallico repetenda, & licet non possint, nisi vulgo nota, recipi, negantur tamen & hæc recipienda, quod sua, sua solum vrgeant & contendant, siue conceptu, siue præparatione, Philosophorum inquam, adeoque viua, non mortua, & hæc iterum non vno sensu.

§. 7. Alii enim viua putant, quæ ignem & fusionem non sunt experta, vnde aurum, mercurium, antimonium, virginium, statim suum, *αυθόθεν κατὰ γενν*, mineram antimonii, vel loco horum alia inquisuere; aliis in ignis acceptione occultentibus sensum.

§. 8. Optime videtur iuxta *Philaletbam* aurum viuum dici, applicatione ad opus Philosophicum, alioqui omnino mortuum, nec actiuum, nec feminale, non secus, ac de grano tritici, vel aliis quibusvis, idem valet.

§. 9. Imo non posse viuum ad hunc finem reddi, nisi moriatur prius & putrescat, (in terram coniectum), quod de iisdem seminibus etiam in sacris asseritur; & hac mechanica frequenter a Philosophis inculcatur.

§. 10. Non itaque absoluitur tinctura vno solo ingrediente, sed minimum duobus, quod maris & fœminæ symbolo innuere voluere, nec abnuere tamen tertium, sed velut spiritualem amorem vocando magis, quam corporalem, ne salis, sulphuris, mercurii, animæ, corporis & spiritus mechanicam repetamus.

§. 11. Non tincturæ v. gr. solaris aliqua extractio-
ne, & concentratione, vt exhausta illa diffundatur in alia metalla, quod quibusdam visum est; aurum enim homogeneum est præ aliis, neque hinc tinctura alia intelligitur, quam substantifica & effectiue magis, quam affectiue talis, a posteriori.

§. 12. Vtut vero plurimi vnum fere ac solum aurum eligant, nominent ac intendant, tanquam nobilius, potius ac instar omnium; non pauci tamen, ipso *Gebro* præeunte, ob fixitatem, & communes cum auro dotes, etiam lunam in hunc censum vocant, vt hinc tinctura duplex philosophica detur, ad rubrum & ad album.


§. 13. Quamobrem merito locum habet in hac arte compositio, vt auro vel argento electis, & rite præparatis, tanquam basi, socientur quædam alia, quæ & expromant, seu referent ac pandant centrales vires, & ipsas sibi socient, & vnita ac præparata coniunctim diffundant, immutatiua virtute, penitissime in ignobiliora metalla.

CAPVT XVII.

DE

Operationibus specialibus.

§. 1.

 Vauis vero mirum quantum varient Philosophorum asserta, quandoquidem alii videntur plane aurum, proprie dictum, relicere, & magis potentia quam actu tale requirere ac intelligere; non obstat tamen hoc, quin vtrumque locum habere possit.

§. 2. Ipsæ hinc operationes non vnæ designantur. Alii opus primum, *die Vor- Arbeit* / & secundum, *die Nach- Arbeit* / solum nominant, illud difficillimum, hoc mulierum, vt vocant, opus. Alii tres operationes agnoscunt completas, de quibus ex mente *Gebri* optime egit *Philaletha*, præ aliis commendandus & legendus.

§. 3. *Basilus* totidem capitibus, duodecim seu clauis, seu operationes requirit, describit, & nominat. Nobis satis erit, animo figurare & cum dictis iungere receptas duas operationes principales, proprias, intrinsecas, & essentielles, solutionem & coagulationem.

§. 4.

§. 4. Solutioni substat videntur, eamque illustrare ac exhaurire, imo coincidere, extractio, calcinatio, compositio, putrefactio; Coagulationi fixatio, fermentatio & multiplicatio. Vtrisque obstat præcedens purificatio, pondus, regimen ignis, & colorum subsequens mutatio.

§. 5. Reuera enim non tam diuersi actus totidem, sed consecutiui effectus, gradus & expressiones insigniri videntur. Hinc omnibus præmittenda & præferenda est clavis vniuersalis, mercurius, tum simplex, tum maxime duplicatus, quem Rebis vocant, eiusque tractandi vltior modus.

§. 6. Quis, quæso, nescit in chimia etiam vulgari solutionem symbolizare cum reliquis dictis, idemque menstruum & soluere, & extrahere, & calcinare, pro re nata? Quæ omnia ab experientia, etiam vulgari, stabiluntur satis.

§. 7. Hic vero monendi sunt tyrones, & solutionem; & reliqua, intelligendam esse itidem, vt omnia alia, Philosophicam, blandam illam, amicabilem, homogeneam, primi generis, siccam & radicalem. Contra ea solutiones coactiuæ, per aquas fortes, aquam regiam, & similia factæ, corrosiuæ, ab omnibus vno ore damnantur, vt pote naturæ contrariæ & noxiæ, saltim non seminales, sed destructiuæ.

§. 8. Sunt tamen, qui & corrosiua talia, vt præparantia, admittunt, vt mercurium sublimatum, hinc iterum separanda, quale quid etiam in *Montesnyderi* processu occurrit, ne *Palingenium* huc referamus; alii vero dissentiant, vel aliter procedunt.

§. 9. Res illuc redit, quod alii via humida vtantur, vt *Paracelsus* id tribui aliisque solet, alii via sicca, vt *Pbilaletha*. Alii iterum via longiori magisque diffusa, alii breuiori, *Paracelsus* autore, deuitatis ambagibus, quas affundere etiam vt plurimum, ad obscurandum arcanum, solent magis.

§. 10. An vero aurum, vel ad album argentum, statim primo loco, an vltimo assumendum, tanquam semen, fermentum, & diffundens, an crebrius soluendo & distillando, recludi debeat, ac possit intimius, an argentum cum auro consociandum, vt *Pbilaletha* processum ex Suchtenio describunt, altiori eget disquisitione.

§. 11. Sollicite etiam PONDERIS rationem inculcant, in quo non minus variant, vt assignetur certa proportio. In genere excipiens etiam hic maiori quantitate gaudet, exceptum minori, seminale corpus minimo. Respondet hoc *Paracelsi* methodo, si illum sequi placeat, qui recipit partes iv. part. ij. part. j. Alii anaticam malunt.

§. 12. Præter ipsam ergo materiam tractandam plura de IGNE quoque dici possent. Nobis hoc loco suffecerit, ignem esse etiam hic instrumentum commodissimum, ad omnia illa præstanda, quæ naturæ sunt & arti conformia.

§. 13. Alius vero *externus* statui potest, omnino necessarius, alius *internus* Philosophorum, mollis ille utrobique concipiendus, digestius, maturatius, calcinatiuss, sublimans, fixans, blandior in principio, continuus, fortior in fine.

CAPVT XVIII.

Complemento operis.

§. I.



Statuæ mercuriales viam regiam ostendere solent, quam ipsæ tamen nesciunt, nec calcarunt: ita cum præceptores viui sint vel nulli, quos adeas, vel rarissimi, ipsorum Philosophorum iussu muti sunt consulendi, & mortui sequendi, consultores optimi.

§. 2. Sic & de VASE non vnum dubium occurrit, & sollicitudo debita, in quo oculendo non minus ac aliis videas occupatos. Communiter nominatur ouum philosophicum, sed hoc ipsum geminæ itidem significationis. Notat enim non solum analogiam pullitiei, quod foris continuo debeat materia digeri, & ad finem perdurare; sed etiam vas externum.

§. 3. Vitreum hoc & firmum requiritur, puta ad opus secundum imprimis, quamuis via breuiori incedentes vnum idemque cum primo malint eligere. Vas clausum & tectum esse debere, plerique volunt: sunt tamen qui & aerem admittunt, ad euitandam crepaturam.

§. 4. Phiolam si eligas, videtur illa commodissima, neque opus est ligneo inuolucro, quod nonnulli memorant. Minus vero, & rotundæ vel ovalis reuera figuræ si recipiatur, non æque diffundi posse spiritus apparet, & ascendendo descendere, seu figi.

§. 5. COLORES etiam maxime attendendi emergentes, tanquam phænomena externa, quæ de interno mutationis

tionis & progressionis statu testantur. Et tres quidem ordine expectandi, vel lustrandi, albus, tanquam initium & fundamentum, niger seu medius, & ruber extremus.

§. 6. Valent hi colores a priori, ad eligendam materiam, & præparandam, seu ad opus primum, quadrantes præcipue antimonio, mercurio & vitriolo ipsi. Valent vero maxime a posteriori, seu ad opus secundum, & ad ordinem ipsum obseruandum, ne præcipitetur calor & color, natura enim non facit saltum.

§. 7. Idem vero & de regimine reliquorum planetarum valet, quod in assignando tum colore, tum tempore dierum & mensium allegant, ita vt a mercurio incipiat, & in sole finiatur. Et hæc colorum mutatio quoque argumentum genuinæ *εγχεσις* prædicatur: si enim immutata maneat materia, vix bene sperare de progressu licebit.

§. 8. Hinc TEMPVS quoque tangendum est absoluedi laboris. Longissimum ad duos vel tres annos nominari solet, quo de *Augurellus* videri potest. Ad annum, septem, nouem, vel decem menses definiunt, qui in medio consistunt. Ad quadraginta dies *Paracelsus*, triginta *Lullius* saltim prorogat.

§. 9. Iuxta *Heluetianum* artificem, cuius vestigia, etiam alibi offendimus symbolica, & hodie prouectiores feruntur terere, intra triduum vel quatrimum tinctura obtineri potest; imo intra tres horas *Maria Prophetissa* perfecisse scribitur, quod tamen de tertia operatione, (multiplicatione,) saltim explicant alii.

§. 10. Ita vero, si Deus Opt. Max. annuerit, habetur solubilitas, digestio, expansio, fixatio & malleabilitas, verbo,

verbo, opus perfectum, thesaurus inæstimabilis, isque per se ipsum multiplicabilis, beneficio mercurii, seminali illa tinctura imprægnati, & breui tandem mora perficiendi.

§. 11. Tinctura ipsa tantopere expetita, duplex est iterum, in fluido, quale experimentum ante paucos annos Francofurti ad Mœnum factum & repetitum, & sicco, puluillo rubinescente, vel flavescente solum, vt apud *Helæctium*, ponderoso, & in minimo summe actiuo, quali operatus est & alter Berolinensis artifex, eodem anno ac tempore fere.

§. 12. PROIECTIO ipsa in plumbum, mercurium, quin & alia metalla ignobiliora, prius fusa & calefacta, fit cum cera ordinarie, inuoluendo illi tantillum tincturæ, tum ne perdatur, sed colligatur intimius, tum vt flamma inde consurgens & excitata actiuitatem & ingressum foeneret penitiorē, igne fusorio fortissimo, cum vel sine folle, adhibito.

§. 13. Resultat inde purum putum aurum, tantæ bonitatis, vt non solum æquet vel superet quoduis natiuum; verum etiam non raro postliminio, ob eminentiam tincturæ, adhuc plus metalli tingat, sustinens cineritii, cæmentationis, aliasque notas probas.

CAPVT XIX.

De

Furno, sumtibus & usu.

§. 1.



Peræ pretium est & FURNI meminisse. Neque enim opus est laboratorium splendidum, nec in-

G

stru-

strumentorum plurium apparatus, vel furnorum etiam ipsorum varietas & elegantia, quæ chimiæ pharmaceuticæ relinquunt artifices.

§. 2. Quando vero mentio fit hinc inde furni secreti & peculiaris Philosophorum, videtur potius mysticè intelligi vel vas ipsum operi inseruiens, vel mercurius, mille nominibus expressus & occultatus; interim tamen ad ignem continendum, subdendum & fouendum furno opus est.

§. 3. Alii Athanoris meminere, quem eligit & *Philetia*, seu furnum turritum, quo longius contineri ignis potest, quorsum & alia adminicula spectant, vt pauco igne multum effici possit, & carbonum fieri compendium.

§. 4. Sunt, qui & fimi equini calorem eligunt ac memorant, in quo mercurium figere allaborant: at magis caloris gradum sic innui credibile est, quam proprie dictum, fimo præstandum, opus, qui plane est insufficiens ac debilior.

§. 5. Quidam mediante accenso spiritu vini ignem continuant, & in hunc finem fornaculam cum lampade construunt, quem modum reicit *Basilius*; olei fomentum substituunt alii, ellychnio utrobique vel comuni e bombace, vel ex lapide amiantho confecto.

§. 6. Suffecerit minori gradu ignis arenæ, ad continuandum in catino eundem, pro longiori via ac apparatus, minus enim fere balneum Mariæ, quod vocant, seu cum aqua administratus calor, in usu est, quamuis & hunc modum tangi videas.

§. 7. Pro maiori vero gradu, & via breuiori, hodierni etiam furnum anemium eligunt, intra 2. vel 4. dies
puta

pūta administrando, vel repetendo quoque opere, vt taceamus, crucibulo duplicato quosdam circumsternere limaturam martis, quod tamen vix opus, imo incommodum magis videtur.

§. 8. Plura de fornacibus apud *Gebrum, Hogbelandum & Rupeſciſſam* videri poſſunt, quæ ipſa tamen fere rem obſcurant magis, niſi quod diſtinctio ignis etiam notabilis ſit in elementarem, naturalem, innaturalem, & contra naturam, quo de vid. *Philaletba, Hogbelandus, & alii.*

§. 9. Præſtat, vno verbo, magis de materia & recto conficiendi ac procedendi modo, quam de furno ignem continente, eſſe ſollicitum; qui enim panis fabricam nouit, verbis *Baſilii*, facile etiam coctionem eiſdem inuenerit.

§. 10. Nec de SVMTIBVS alienum erit breuiter diſquirere. Vnanimi conſenſu communiter aſſeritur, non multos requiri, præterquam, quos aurum ipſum expoſcat, de quo tamen vnice & largius impendendo dehortantur fideliter autores.

§. 11. Præſtat & hic in medio ſubſiſtere, peccare tamen magis in defectu, quam exceſſu. Requiritur vero neceſſarii aliquot, non ita multi, ad carbones, vel alia ignis fomenta, ad materialia pauca illa, & vaſa.

§. 12. Imo temporis ipſius, victus, experimentorum & laboris habenda quædam eſt ratio, vnde vt nimis viles ſumtus non ſunt impendendi, ita qui alias ludicris vanisque rebus impenduntur ſæpe, vt ſua quemque trahit voluptas, huic potius ſtudio dicari ſobrie poſſunt.

§. 13. Neque cuius ardelioni, vel aliis quoque, promiscue processus offerentibus fidendum est, vel ad labores se offerentibus, quod in aulis frequens est. Quamuis enim Alchimis non ita credatur hodie, vix tamen satis caueri potest, ne fallaris.

§. 14. Quod si Deus annuerit, vsus Lapidis Philosophorum decantatus est (1.) ad metalla ignobiliora tingenda in perfecta; (2.) ad roboranda viscera, spiritum vitalem, & tollendos sic morbos, chronicos inprimis, alioqui per naturam curabiles; (3.) ad gemmas artificiales, (4.) ad vitrum malleabile reddendum: (5.) ad dignoscendam Dei Opt. M. admirandam sapientiam, vel sola cognitione contento animo; (6.) ad vitam longam & sic producendam &c. Tacemus pietatem, eleemosynas, & alia.

CAPVT XX.

De

Abusu Alchimie.

§.

NON vno modo etiam in abusum ars vocatur, quem tangere & hoc loco in compendio non inconsultum est. Liceat vero latius ita vocare omnem illam vel theoriam vel praxin, quæ abluat a re ipsa, & ad alia licito illicitoue modo applicat.

§. 2. Sunt, qui ex professo negant, lapidem Philosophorum auri materialis conficiendi esse medium vel medicinam, arbitantes totum illud opus non esse nisi auaritiæ vel persuasionis vanæ prætextum, indeque nata figmenta.

§. 3. Ne vero sine vsu esset hæc Philosophia, statuunt moraliter potius intelligendos esse Philosophos, siue primam & vltimam causam scrutatos, alios materiam, alios generationem & corruptionem, mortem ipsam, alios non nisi Deum Opt. Max. singulos hoc vel illud velut lapidem, seu terminum atque principium, in quo omnis cogitatio acquiescat ac figatur, posuisse.

§. 4. Seorsim vltius Christiani progressi ad diuina & sacra applicauere hoc ipsum, duplici fere differentia: alii negantes vniuersam artem, vt *Gliffentus* seorsim, præter dicta, *Tractatu Morali de L. P.* & ad bonum hunc sensum trahentes; alii affirmantes quidem, sed applicantes nihilominus ad vniuersa quasi religionis arcana, sobrie adhuc paulo, (vt volunt,) & velut analogia quadam, vel allegoria, & symbolis, vt *Petrus Iob. Faber in Alchimista Christiano*, per totum.

§. 5. Quodque hi coniunctim, idem alii sparsim, & velut aliud agentes, hinc inde faciunt. Imo alii grossius omnino, ex ignorantia Philosophiæ & Chimiæ ipsius, tria principia chimica, materialia illa, ad Sacrosanctæ Trinitatis mysteria perquam absurde & tantum non impie applicant.

§. 6. Quidam omnino, non contenti vno alteroque loco, v. gr. de auro apud *Efram lib. IV.* ipsam Sacram Scri-

pturam passim huc detorquent, & maxime *Canticum Salomonis*, *Apocalypsin*, & alia, vnde materiam, colorem & nihil non arcessunt ac applicant, ne dicam vniuersam Saluatoris nostri passionem, mortem, resurrectionem, adscensum ad cœlos & reliqua huc trahi.

§. 7. Vt vero laudanda est in omnibus ac utilis pietas, ita & hic cauendum, ne ad absurda talia, & tantum non ipsius atheismi aua dilabamur, extra oleas vagando, & falcem in alienam messem temere mittendo, maxime in his, vbi omnis ratio captiuari debet.

§. 8. Non enim omnino hæc mens fuit Philosophorum, non finis auaritia, non religionis cura vel professio, sed arcanorum naturæ, & diuinæ sapientiæ scrutinium, quibus terminis contineri debet, non euagari, vel aberrare ars hæc, nec negandum, esse diuinum donum.

§. 9. Multo minus abutendum hac Philosophia, sagaci ad auaritiam, ad voluptates, vel promiscuam etiam propalationem, ac intempestiuam ostentationem, facile damno futuram tum corporis, tum animæ.

§. 10. Nec omnia, nec nulla applicanda sunt tam ex profanis, quam ex sacris potissimum, superstitiosa ac vana imaginatione, vbiuis sobrie & christiane philosophandum, vt in terminis debitis maneamus; sin secus fiat, manum de tabula.

§. 11. Tangendus vero denuo & ille abusus est, ne fallatur, vel spem vanam sibi quis concipiat, fraudulentia quacunque inductus, multo minus malitia & prauitate, adulterandi aurum vel argentum.

§. 12. In scopulos hos incidunt, præter alia, qui in
mer.

mercurio vulgi coagulando, vel sinistre tractando occupantur, tum aliis modis, tum maxime cum venere & Ioue. Ita meminimus, qui mercurium cum Ioue coagulando & miscendo, fabricando inde monetam, supplicium capitis subiere.

§. 13. Ita perquam frequens mos est, abuti ac delectari dealbatione veneris, seu cupro albo, quod accessione arsenicalium potissimum confieri solet, addita etiam lunæ parte. Inde vero parata vasa, cochlearia, orbis, speculorum ornamenta, aliaque decipiunt, quod artificem genuinum non decet.

CAPVT XXI.

De

Particularibus.

§. 1.

DVplici in Alchimia loco mentio fit vniuersalium & particularium (1.) quoad *materiam*, vbi vniuersalistas dicuntur, qui ex primis & vniuersalibus quasi principiis, v. gr. rore maiali, vel materia prima, per dicta, laborare satagunt. (2.) quoad *tingturam*, *vniuersalem* vocando lapidem Philosophorum, quod omnibus metallis tingendis sufficiat, & vniuersale hinc sit morborum præsidium; *particularem*, quando seorsim ex hoc vel illo, citra lapidem Philosophorum, obtinetur aurum vel argentum.

§. 2.

§. 2. Cum vero de reliquis satis, pro compendii ratione, dixerimus, operæ pretium est & breuiter particularium meminisse. Et in his vero, tum de re ipsa, tum de modo & processu, qui non minus sæpe inter arcana habetur, dissensus autorum & abusus non vnus occurrit.

§. 3. Sunt, qui negant penitus particularia, facilius esse rati, ipsum lapidem conficere, quam particulare aliquod etiam simplicissimum, quod sit vtile: vnde & rarius paulo meminere classici scriptores particularium, vel, si quod admittunt, velut rimum saltim, vel riuulum concedunt, ex vero fonte ortum, vnam solam viam agnoscentes.

§. 4. In illo tamen sollicito scrutinio artis & metallorum deprehensum fuit, non esse de nihilo penitus etiam particularium tractationem, sed cum fructu quoque in his, modo sobrie id fiat, occupari posse artifices.

§. 5. Vtut enim plurimi processus hinc inde vel descripti, vel caro pretio venditi, ac vendibiles sint, partim obscuri, partim falsi & suspecti; re ipsa tamen, & per experimenta curatiora probati quidam admitti possunt & debent.

§. 6. Cum enim non solum, vt ipsi adepti fatentur, in metallis ignobilioribus in recessu reperibile sit aurum & argentum, tam internum, vt vocant, seu in potentia, quam externum, seu actu etiam reperibile, & dispersum; cur negemus, si non illud, saltim hoc, nec sine lucro & que repeti inde posse?

§. 7. Imo, si *Becherum* & alios audiamus, etiam in luto, arena

arena, lapidibus, limo, miculae tales sunt dispersae, quae coadunitae & mediante igne fusae ad oculum fisti possunt, seu combinatione aliorum separentur magis in synthesi, seu consurgant velut noua generatione.

§. 8. SIC PARS CVM PARTE fit, vt ipse vocat *Paracelsus*, seu separatur ex aliis nominatim aurum, vel argentum, beneficio solutionis, seu via itidem humida, quando cum aqua forti, vel aqua regia, vel gradatoria proceditur.

§. 9. Sic via sicca locum habet, seu calcinatio, adhibitis simul salibus, vitriolo, nitro, alumine, sale communi, sulphure communi, mercurio, cinnabari, aliisque varii generis, minori ac simplici etiam viso apparatu, vel maiori: seu inprimis camentatio, qualem itidem describit *Paracelsus Tom. I. p. 939.*

§. 10. Referri huc potest ac repeti transmutatio martis in venerem, beneficio vitrioli, itidem via sicca, vel humida, vel coquendo haec duo inuicem mixta, vel extinguendo martem in spiritum vitrioli, vel aliis quoque modis, modo non superficialiter, sed intime ac centraliter fiat illa alteratio.

§. 11. Sic ex amalgamatione saturni & mercurii, cum liquore veneris, per spiritum salis facto, igne fusionis aurum & argentum demonstrari potest; item ex viridi aeris, (quod venerem secum habet in crocum redactam,) limatura martis, mercurio viuo, cum aceto & vitriolo, (vel limatura etiam aurichalci,) idem fit, & cum sulphure solo calcinando vel saturnum, vel ipsam quoque lunam.

§. 12. Nouimus hoc pacto artificem in vicinia non

H.

parum

58 INTROD. IN ALCHIM. C. XXI. DE PARTICVLARIBVS.
parum lucratum, cum luna præ aliis polleat auri por-
tione non minima, & humido suo metallico orbata hinc
visa, cum plumbo eandem recuperet.

§. 13. Sic & cum arena marina, vel alia, cum ar-
gento cæmentando impensa, seu in vitrum prius reda-
cta, seu aliis modis, experimenta fecit *Becherus*, fu-
sius videndus in *Minera arenaria perpetua*, discontinuan-
do sic corpus metallicum, & expromendi facilitatem pro-
mouendo, vbi, vt & alibi, plura alia & egregia habet, huc re-
ferenda.

§. 14. Tacemus alia huc itidem facile referenda.
Notandum vero, sæpe in minori quantitate, vel pro spe-
ciminis loco, succedere hanc prolectionem, sed maiori fe-
re aquam hære in quampluribus, nec respondere æque
proportionem, vnde ex hoc prouentu æstimanda sunt
experimenta, cum multiplicationis hic desint
fundamenta.

F I N I S.

L. B.

NON incommodum visum fuit addere hic & inferere
TABULAM HERMETIS, & quidem ex volumine
de Alchimia, Norimbergæ apud *Iob. Petreium* M D XLI.
excuso, longe rarissimo, eiusque p. 363.

TABVLA SMARAGDINA

HERMETIS TRISMEGISTI

ἡ ἐξηγήσις,

Incerto interprete.



Erba Secretorum Hermetis, quæ scripta
erant in tabula Smaragdi, inter manus
eius inuenta, in obscuro antro, in quo
humatum corpus eius repertum est. Verum
sine mendacio, certum & verissimum. Quod
est inferius, est sicut quod est superius. Et quod
est superius, est sicut quod est inferius, ad perpe-
tranda miracula rei vnius. Et sicut omnes res fue-
runt ab vno, meditatione vnius; sic omnes res
natæ fuerunt ab hac vna re, adaptatione. Pa-
ter eius est Sol, mater eius est Luna. Portauit il-
lud ventus in ventre suo. Nutrix eius terra est.
Pater omnis telefini totius mundi est hic. Vis
eius integra est, si versa fuerit in terram. Sepa-
rabis terram ab igne, subtile a spisso, suauiter cum

H

2

magno

magno ingenio. Ascendit a terra in cœlum, iterumque descendit in terram, & recipit vim superiorum & inferiorum. Sic habebis gloriam totius mundi. Ideo fugiet a te omnis obscuritas. Hic est totius fortitudinis fortitudo fortis, quia vincet omnem rem subtilem, omnemque solidam penetrabit. Sic mundus creatus est. Hinc erunt adaptationes mirabiles, quarum modus hic est. Itaque vocatus sum Hermes Trismegistus, habentres partes philosophiæ totius mundi. Completum est, quod dixi de operatione Solis.

